

## 2012-imiit 2022-mut ilinniartunut inissat

2022-mi ukiumut ilinniartut 743-nik amerlassuseqarput. Tamanna ukiup siulianut naleqqiullugu 5 pct.-inik appariarneruvoq. 2012-imiilli ukiumut ilinniartut amerlassusaat 207-inik apparsimapput.

Sanaartornermi sanaartortitsinermilu suliaqarfimmi ilinniartunut inissat 27 pct.-inik annertussuseqarlutik amerlanerpaapput, tulliullutik Niuertunik pilersuinermi atugassanillu nioqquteqarnermi suliaqarfik kiisalu Pisortat allaffissornerat sullissinerallu 21 aamma 20 pct.-inik annertussuseqarlutik. Inissiaateqarnermi suliaqarfik Kiffartuussillunilu inuussutissarsiorfinni allani suliaqarfik sulisumut ilinniarsimasumut ataatsimut amerlanerpaanik ilinniartunut inissiaateqarsimapput. Taakkunani sulisumut ilinniarsimasumut 100-nut ukiumut ilinniartut 28-nik aamma 27-nik amerlassuseqarlutik.

Suliffinni ilinniartut ukioqqortunerulerput. 2012-imi ilinniartut 25-t ataallugit ukiullit 60 pct.-inik annertussuseqarput. 2022-milu 40 pct.-inut apparsimallutik.

## Siuliani saqqummersitamit allannguutit

Naatsorsueqqissaartarfimmit suliffeqarnermi kisitsisitigut paasissutissat piffissami 2016-imiit 2021-imoortut 2023-mi februaarimi iluarsanneqarput. 2016-imiit suliffeqarnermi kisitsisit siuliani saqqummersinneqarsimasunit qaffasinnerulernerannik tamanna isumaqarpoq. Iluarsaassinerlu tamanna aamma saqqummersitami matumani inuusuttut suliffillit amerlassusaannut sunniuteqarpoq. Allannguutit periaatsimut immikkoortumi sukumiinerusumik nassuiarneqarput.

## Nassuiaat


Kisitsisitigut paasissutissani inuussutissarsiornermi ilinniartut ilinniartut suliffinnilu ilinniartuunermut tapisisartut kisimik pineqarput. Kisitsisini pineqartut tassaapput suliffeqarfimmi ilinniartuuteqarnermut akiliutinut taarsiissutinik pisartuni ilinniartut. Periaatsimut immikkoortuni nassuiaat takuuk.

Saqqummersitami taaguut”ukiumut ilinniartoq” atornerqarpoq. Ukiumut ilinniartuunermi qaammatini 12-ini ilinniartuuteqarneq tunngavigineqarpoq. Assersuutigalugu ilinniartoq ataaseq qaammatini 12-ini ilinniartuusimaneranik imaluunniit ilinniartut marluk tamarmik immikkut qaammatini arfinilinni ilinniartuusimanerannik isumaqarluni.

### 2022-mi ukiumut ilinniartut 743-t

2022-mi ukiumut ilinniartut 743-nik amerlassuseqarput. 2021-miit 5 pct.-inik appariarneruvoq. 2012-imiilli ukiumut ilinniartut amerlassusaat 207-inik apparsimapput. Appariaallu annerpaaq 2015-ip tungaanut ingerlaarsimalluni. Ilinniartut upernaakkut ukiakkullu amerlanerpaasarput.

### Titartagaq 1. Qaammatikkaartumik ilinniartut amerlassusaat, 2012-2022



Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNLBR>).

### Sanaartornermi sanaartortitsinermilu suliaqarfimmi ilinniartut amerlanerupput

2022-mi ukiumut ilinniartut katillugit 27 pct.-ii sanaartornermi sanaartortitsinermilu suliaqarfimmi illutik amerlanerpaasimapput, tassunga tulliullutik pisortat allaffissorneranni niuernermilu suliaqarfimmi ilinniartut. Ataatsimut isigalugu suliaqarfimmi pineqartuni pingasuni ukiumut ilinniartut katillugit 68 pct.-ii ilinniartorisimavaat.

2022-mi niuertunik pilersuinermi atugassanillu nioqquteqarluni suliaqarfimmi ukiumut ilinniartut 2012-imiit 73-inik ikinnerullutik appariaateqarnerpaasimapput. Aalisarnermi aalisakkanillu tunisassiorluni suliaqarfimmi kiisalu allaffissornermi kiffartuussinernut suliaqarfimmi ukiumut ilinniartut qaffariaateqarnerpaasimapput, 2012-imiilli 2022-mut amerlassusaat qulinik amerlanerulersimallutik.

**Tabel 1. Suliaqarfiit malillugit ukiumut ilinniartut, 2012, 2017 aamma 2022**

	2012		2017		2022	
	Amerl.	Pct.	Amerl.	Pct.-	Amerl.	Pct.
Aalisarn. aalisakk. tunisassiorneq niuernerlu	13	1	23	3	22	3
Aatsitassiorneq .....	2	0	3	0	1	0
Atortussiorneq .....	14	1	11	2	9	1
Innaallagiamik imermillu pilersuineq .....	16	2	15	2	19	3
Sanaartorneq .....	215	23	190	26	201	27
Niuertunik pilers. Atugass. nioqquteqarneq	228	24	150	20	155	21
Assartuineq assartugassalerinerlu .....	114	12	74	10	82	11
Akunnittarfiit neriniartarfiillu .....	28	3	15	2	18	2
Paasissutissalerineq attaveqaatilerinerlu ..	41	4	42	6	22	3
Aningaaser. aningaasal. sillimmasiisarfiillu	8	1	6	1	7	1
Innissianik attartort. sullissinerillu allat ....	14	2	10	1	20	3
Namminers. ilisimatusarn teknik. kiffartuuss.	3	0	2	0	2	0
Allaffissornikkut kiffartuussinerit .....	5	0	7	1	14	2
Pisortat allaffissornerat .....	152	16	129	18	146	20
Kiffartuussinerit allat .....	26	3	14	2	15	2
Ilisimaneqanngitsut .....	72	8	49	7	10	1
<b>Katillugit .....</b>	<b>950</b>		<b>739</b>		<b>743</b>	

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNLBR>).

### **Ilinniartunut inissat - nassuiaat**

Ilinniartuuteqarnissamut piunasaqaataavoq suliffeqarfik ilinniarsimasunik sulisoqarnissaa, ilinniartunik ilinniartitsisinnaasunik. Suliaqarfiit sorliit ilinniartunik amerlanerusunik tigooraasarnersut ersarinnerusumik takutinniarlugu ilinniartut amerlassusaat sulisut ilinniarsimasut amerlassusaannut naleqqiunneqassapput.


Ilinniartunut inissat sulisunut ilinniarsimasunut 100-nut ilinniartut amerlassusaannik naatsorsorneqarpoq. Ilinniartunut inissani ilinniarfiit assigiinngitsut tunngavigineqanngillat, suliaqarfinili suliffeqarneq najoqqutaralugu naatsorsorneqarluni. Ilinniartunut inissat 2021-mi nalunaarsuutit tunngavigalugit kisinneqarput, suliffeqarnermi kisitsisinik nutaajunerusunik suli saqqummertoqarnikuunnginnera pissutigalugu.

### **Inissiaateqarnermi suliaqarfimmi sulisumut ilinniarsimasumut ataatsimut ilinniartut amerlanerit**

Agguaqatigiissillugu ilinniartunut inissat amerlassusaat 2016-imi 14-iniit 2021-mi 13-inut apparsimapput. Suliffeqarfimmili sulisumut ilinniarsimasumut ataatsimut ilinniartut amerlanerulersimapput. 2016-imiilli ukiumut ilinniartut qaffariaataat sulisut ilinniarsimasut amerlanerulernerannik peqquteqarpoq.

Inissiaateqarnermi suliaqarfik Kiffartuussillunilu inuussutissarsiorfinni allani suliaqarfik 2021-mi amerlanerpaanik ilinniartunut inissateqarsimapput. Taakkunani sulisunut ilinniarsimasunut 100-nut ukiumut ilinniartut 28-nik aamma 27-nik amerlassuseqarsimallutik.

## Titartagaq 2. Suliaqarfiit malillugit ilinniartunut inissat, 2016 aamma 2021



Nalunaarut: Ilinniartunut inissat: Sulisunut ilinniarsimasunut 100-nut suliffimmi ilinniartut amerlassusaat. Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNLBR> aamma <https://bank.stat.gl/ARNBFB8>).

### Ilinniartut ukioqqortunerulerput

2022-mi ilinniartut 20-miit 29-nut ukiullit 55 pct.-inik annertussuseqarlutik amerlanerpaasimapput. 20-t ataallugit ukiullit 12 pct.-iusimallutik. 2012-imiit ilinniartut ukioqqortunerulersimapput. 2012-imilu 25-t ataallugit ukiullit 60 pct.-inik annertussuseqarsimallutik. 2022-mi annertussusaat 40 pct.-inut apparsimavoq. Ingammik 25-miit 39-nut ukiullit annertussusaat qaffassimavoq. Piffissami pineqartumi innuttaasut akornanni inuusunnerusut ikinnerulersimapput, ilinniartulli ikinnerulererattut annertutiginningsumik.

**Tabel 2. Ilinniartut ukiui malillugit, 2012-2022**

	2012	2013	2014	2015	2016	2017	2018	2019	2020	2021	2022
	<b>Pct.</b>										
<20 .....	14	9	8	7	9	9	9	8	9	10	12
20-24-nik ukiullit ..	46	48	46	40	37	35	33	32	32	30	28
25-29-nik ukiullit ..	24	26	27	30	29	30	31	31	32	29	27
30-34-nik ukiullit ..	9	10	11	13	15	14	13	14	14	17	20
35-39-nik ukiullit ..	3	3	4	5	6	5	6	7	8	7	7
40> .....	4	5	5	5	6	6	7	6	6	7	6

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNLBR>).

### Periaaseq

Inuusutissarsiornermi ilinniakkat amerlanersaat suliffimmik ilinniarfissarsinermi aatsaat aallartinneqarsinnaasarput. Suliffiit ilinniarfiusinnaasut amerlassusaat taamaasillutik inuusutissarsiornermi ilinniarfinni ilinniartut amerlassusaasa ineriartornerannut sunniuteqartarpoq. Ilinniartunut inissat pillugit kisitsisitigut paasissutissat ilinniartitaanermi inuusutissarsiornermi ilinniakkanut paasissutissanik annertunerusunik suliaqarnissaq anguniarlugu ineriartortinneqarput. Taamaasilluni aamma suliaqarfiit qanoq annertutigisumik ilinniartuuteqarnerat taakkulu qanoq ineriartornerat takussutissiarineqarluni.

### **Nalunaarsuutit tunngaviusut**

Ilinniagaqarnersiuteqartitsivimmit ilinniartut tapiinut akiliutit nalunaarsuutaat atorlugit kisitsisitigut paasissutissat naatsorsorneqarput. Tapiissutit qaammatikkaartumik suliffeqarfimmut ataatsimut/ilinniartumut ataatsimut akilerneqartarput. Tapinut akit aningaasaqarnermut inatsimmi aaliangersarneqartarput, ilinniakkallu kiisalu ukioq ilinniarfiusoq malillugit allanngorartarlutik (takuuk konto pingaarneq 40.02.06, ilinniarnermi tapiissutit meeqqanullu tapit pillugit nassuiaat).

Kisitsisini ilinniartut ilinniarfimminni suliffimmik misiliisut ilaanngillat, tassani pineqarput inuussutissarsiornermi ilinniakkami, ilinniarfimmi ilinniartunik suliffimmi misiliinissamut tigooraasartuni, akuerisaasimasut. Inuussutissalerinermi ilinniarfimmi INUILI-mi kiisalu KTI-mi teknikimik ilinniarfinni tamanna periarfissaavoq.

### **Periaaseq**

Qaammatikkaartumik ilinniartunut tapiissutit najoqqutaralugit ilinniartut amerlassusaat naatsorsorneqarput. Tapiissutini kukkunerit kiisalu akilerneqarsimangitsut ukiumi naatsorsuiffiusumi tullermi qaammat marsi tikillugu naqqissorneqarput.

2018-imi januaarip aallaqqaataat aallarnerfigalugu Kalaallit Nunaanni suliffeqarfiit suliffeqarfinnut qitiusumik nalunaarsorsimaffimmut (CVR) nalunaarsorneqarput. Suliaqarfiit pingaarnert suliaat malillugit immikkoortiterineq DB07 naliginnaasumik tassani atornerqarpoq. Siornatigut suliffeqarfiit Inuussutissarsiutinik Ingerlataqartunik Nalunaarsuiffimmi (IIN) nalunaarsuineri suliaqarfinnik immikkoortiterineq alla; GB2000 atornerqartarsimavoq.

Ilinniartunut tapiissutit nalunaarsuutaat ilinniagaqarnersiuteqartitsivimmit nalunaarsuutitut naleqqiullugit misissorneqarput, ilinniarnermi suliffeqarfimmi ilinniartuuneq immikkoortinniarlugu.

### **Naatsorsuineq**

Ilinniartunut kisitsisitigut paasissutissat qaammatikkaartumik kiisalu suliaqarfinnut ilinniakkamilu sammisanut (ISCED Fields of Education 2013) najugaqarfinnullu agguataarlugit naatsorsorneqarput. Tabelit tamarmik suaassutsit ukiullu malillugit aaneqarsinnaapput.

### **Suliffeqarnermi kisitsisitigut paasissutissani iluarsaassineq**

Suliffeqarnermi kisitsisitigut paasissutissani saqqummersuni kingullerni 2016-imiit ullumikkumut kisitsisit suliarineqarneri nutarsarneqarput. Tamatumalu kinguneraa suliffeqarnermut kisitsisit siuliani saqqummiunneqartarsimasunit annertunerulernerat.

Siornatigut saqqummersinneqarsimasunit periaatsimi allannguutit pingaarnert tassaapput:

- Ernereernerup kingorna sulinngiffeqartut, suliffilinnut ilaasimasut massakkut suliffilittut naatsorsorneqarput. Allannguummi matumani International Labour Organization-imit (ILO) innersuussutigineqartunut naapertorlugit suliffeqarnermi pissutsinut kisitsisitigut paasissutissat suliarineqarput.
- Ukiup ataatsip ingerlanerani isertitat annerpaartaat namminerisamik suliffeqarfimmit isertitaasimappata, sulifferqafiup inuussutissarsiornermi suliaqarfiani pingaarnertut suliffeqarnej naatsorsorneqarpoq. Allannguummi matumani piffiit tunisiffiusimanngitsut imaluunniit inuussutissarsiornermi suliaqarfinni allani ilassutitut isertitaqangaatsiarsimaneq pingaarnertut suliffimmut sunniuteqanngillat, ukiumut isertitat aalisarnermi imaluunniit savaateqarnermi namminerisamik suliffeqarfimminngaanneersuuppata.
- Naatsorsueqqissaartarfik pisortat akissarsialeriviannit nalunaarsuutitik nutaanik, sulisitsisullu Akileraartarnermut Aqutsisoqarfimmut nalunaarusiaannik paasissutissanik sukumiinerusunik imalinnik aallersinnaalerpoq. Nalunaarsuutitik pitsaanagerusunik aallersinnaaneq pisortani atorfeqarnermi akissarsiat pisortanit isertitaniit qularnannginnerusunik immikkoortinneqarsinnaalernerannik isumaqarpoq. Allannguutillu kinguneraa qaammammi ataatsimi piffissap affaanit sivikinnerusunik sulillutik atorfeqarsimasut suliffilinnut ilanngunneqarnerini pisortani suliffillit annertunerulernerat.

### **Killiliineq kisitsisinilu ilanngunneqanngitsut**

Kisitsisitigut paasissutissani inuussutissarsiornermi ilinniartfinni ilinniartut suliffinnilu ilinniartuunermut tapisisartut kisimik pineqarput.

Inuussutissarsiornermi ilinniartfinni ilinniartunut taamaallaat tapiissutit tunniunneqartarput. Taamaattumik ilinniartut kisitsisini matumani saqqummiunneqartuni ilaanngitsut tassaapput:

- Ilinniartut inersimasut.
- Ilinniartut ilinniagaqarnerisutillit, ass. inulerineri ikiortit, ulluunerani neqeroorutini ikiortit aamma peqqissaanermi ikiortit.
- Ilinniartut atuarfimminni suliffimmik misiliisut.
- Ingerlariaqqiffiusumik ilinniartfinni ilinniartut suliffimmik misiliisut, ass. ilisimatusarluni ilinniakkani.

---

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Saaffiginniffissaq

Samo Nielsen

E-mail: [snie@stat.gl](mailto:snie@stat.gl)

Ilinniartitaaneq

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

